

- ris operum vinculis, quae felici vel infelici successu nectuntur. Devote animatus abdicationis devotione, emancipatus,
29. me adibis. Aequabilis ego erga omnia animantia: nemo mihi est vel invisus vel carus; at me qui colunt religiose, ii
30. insunt mihi, et ego iis insum. Si vel admodum facinorosus me colat cultu non aliorum distracto, is probus est aestimandus, is utique recte compositus. Brevi evadit pius,
31. et ad perpetuam tranquillitatem pervenit. Confide, Kuntidis nate! Haud quisquam mei cultor pessumdatur. Quicunque
32. ad me confugiunt, o Prithae fili, etiamsi in peccati utero sint concepti, mulieres, coloni, nec non servi: hi quoque supremam viam ingrediuntur; quanto magis igitur Brach-
33. mani sancti, ac pii reges sapientes! In hunc caducum infastumque mundum ablegatus, me cole, in me intentus esto,
34. mei venerator, mihi lita, me adora; sic te ipsum quum deoveris, me adibis, mei studiosus.

## LECTIO X.

ALMUM NUMEN *loquitur*:

1. Amplius etiam, o heros, ausculta sermonem meum praestantissimum, quem tibi amanti effabor salutis tuae studio.
2. Nec Divorum catervae meam norunt originem, nec magni Sapientes: quippe ego sum principium Divorum, magnorumque
3. Sapientum omnino. Qui me innatum principioque carentem novit, maximum mundi dominum, is, errore haud delusus, inter mortales cunctis peccatis absolvitur. Mens, scientia, erroris repudiatio, patientia, veritas, perseverantia, tranquillitas, conditio voluptatis dolorisve capax, timor ac securitas etiam,
5. mansuetudo, aequabilitas, hilaritas, castimo-